

四庫全書

經部

欽定四庫全書

詩傳旁通卷九

元 梁益 撰

小雅北山之什

北山

獨賢

呂成公曰孔叢子云我從事獨賢勞事獨多也

鞅掌

孔穎達曰傳以鞅掌為煩勞之狀鄭以鞅如馬鞅之

鞅掌如以手執物許慎曰馬之頸組曰鞅亦謂之纓
范處義詩補傳曰鞅掌皆所以拘物謂王事所
拘也

鼓鐘

淮

淮水出唐州桐柏縣大復山東過義陽今信陽州也
東過褒信汝水自西北來入之東過安豐決水自南
來入之東北有窮水從北來入之東過下蔡潁水從

西北來入之東過壽春肥水從東南來入之淝河自
安豐城中流入淮今淤塞矣又東北有濠水入之
東過鍾離又東過盱眙有汴水從北來入之有過水
出淮陽入淮謂之渦河渦與過同音戈東至山陽通
邳溝邳音寒亦名韓江亦名邳溟溝春秋時吳將伐
齊霸中國故於廣陵城東南築邳城城下掘深溝通
江入淮以便糧道今楚州淮安之水即古邳溝之水
率以埧堰限之其淮水自唐州信陽州來尚淺且狹

其下諸水匯之乃大而深東下至邳之宿遷淮安之
桃源二縣之境合大清口小清口黃河之水趨安東
州入海安東宋之漣水軍也班固云淮水行三千二
百四十里

以雅以南

羅泌長源路史載塗山氏之詩曰禹初來南塗山之
女作歌以俟其伯姬曰候人兮猗而南言自此始也
至周之君臣取風焉實為周南召南長源子革華叔

註曰南樂名胥鼓南以雅以南若象簫南籥也 廬
陵羅氏一門七世有大名者三人羅謙中名無競號
遯翁門人私謚為孝逸澹庵胡公銓作孝逸先生傳
謙中子長卿名良弼號蘭堂吉州圖經有先賢傳長
卿子長源名泌號歸愚擢齋魯公丰作擬國史傳長
源子華叔名革承父命作路史註謙中曾祖晟祖亮
父允以好善聞州里羅氏一門如此江陰邱真長名
壽雋以煥章閣待制知贛州日作路史序

楚茨

茨蒺藜

邢昺爾雅疏曰茨一曰蒺藜郭璞爾雅註曰蒺藜布地蔓生細葉子有三角刺人陸農師曰狀如菱而小可以茨牆故謂之茨今兵家乃鑄鐵為之以梗敵路謂之渠答漢書晁錯傳布渠答蘇林曰渠答鐵茨藜也渠答見兵書尉繚子

安尸侑尸

孔穎達曰郊特牲云舉尊角詔妥尸註云妥安坐也尸始入舉奠尊若奠角將祭之祝則詔主人拜安尸使之坐尸即至尊之坐或時不自安則拜以安之是又迎尸使處神坐也角與尊皆酒器尊玉爵也角受四升呂成公曰少牢饋食禮云尸升筵祝主人皆拜妥尸尸答拜遂坐尸告飽祝侑曰皇尸未寶侑尸又食主人不言拜侑尸又三飯註云祝言而不拜主人不言而拜親疎之宜

祊廟門內

記禮器曰設祭於堂為祊乎外故曰於彼乎於此乎
鄭氏註云設祭於堂者謂薦腥爛之時設饌在堂也
祊祭之明日繹祭也廟門謂之祊設祭在廟門外之
西旁故因名為祊也記者又引古語云於彼乎於此
乎言不知神於彼饗之乎於此饗之乎 爛徐庶切
又音尋

靈保

楚辭九歌思靈保兮賢姱朱子集註曰洪慶善說靈保是巫詩中不說巫當便是尸

肝從臄從

此郊特牲之文也註曰從如禮器卿大夫從君命婦從夫人之從音才用切

內羞庶羞

孔穎達曰儀禮有司徹云宰夫羞房中之羞司士羞庶羞註云房中之羞其饔則糗餌粉飧其豆則醢食

糝食庶羞羊臠豕臠皆有臠醢房中之羞內羞也庶
衆多也鄭玄註云羊曰臠豕曰臠皆香美之名 糝
去九切又音救糝音茨醢音移禮記內則糝餌粉酏
糝又音昌紹切酏讀曰糝之然切又之善切食音嗣
臠音勲臠馨么切音曉臠側吏切 臠羊臠豕臠
臠黑各切音壑肉羹也羹與臠互文耳
易幾而哭

左氏定公元年叔孫成子逆公之喪于乾侯季孫曰

子家子亟言於我未嘗不中吾志也吾欲與之從政
子必止之且聽命焉子家子不見叔孫易幾而哭

子家子子家羈從昭公在外者幾音機哭會也不欲
見叔孫故朝夕哭不同會叔孫成子叔孫不敢季

孫者季孫意如季平子子家羈莊公玄孫子家懿伯
中音衆

告利成

儀禮少牢饋食禮主人出立于阼階上西面祝出立

于西階上東面祝告曰利成祝入尸謏主人降立于阼階東西面註利猶養也成畢也言孝子之養禮畢也謏起也謏所六切

尸出入奏肆夏

見周禮春官鐘師註

少牢嘏詞

少牢饋食禮祝酌授尸以嘏于主人自皇尸命工祝至勿替引之皆饋食禮之文 嘏福也

信南山

終南山

在京兆咸寧縣南五十里

舊萬年縣

接鳳翔府武功縣東

古以太一山為終南左氏謂之中南

遂溝

地官遂人凡治野夫間有遂遂上有徑十夫有溝溝

上有畛

六尺為步步百為畝畝百為夫

遂溝皆通水於川

畔上種瓜

小雨

前漢食貨志還廬樹桑菜如有畦瓜瓠果蒹植於疆
場鷄豚狗彘毋失其時蒹魯果切場音亦

二章 冬有積雪句春而益之以小雨句

鸞刀

禮記祭義鸞刀以剗取腍膋剗音睽腍音律膋音聊
腍膋腸間脂也 祭統鸞刀羞膋劑 郊特牲割刀
之用而鸞刀之貴 公羊傳右執鸞刀何休註割切
之刀環有和鋒有鸞

記曰

禮記郊特牲篇也鄭氏註曰灌謂以圭瓚酌鬯始獻神也已乃迎牲於庭殺之天子諸侯之禮也奠謂薦熟時也特牲饋食所云祝酌奠于釶南是也蕭薌蒿也染以脂合黍稷燒之詩云取蕭祭脂薌當為馨聲之誤也奠或為薦 釶音刑羹器也薌香通合如字又音閤

炳薌薌

煇與熱同儒劣切煇也羶薌之羶音馨

甫田

后稷為田

漢食貨志武帝末年力農以趙過為搜粟都尉過能

為代田一畝

畝

三畝

畝

歲代處故曰代田古法也后

稷始畊田以二耜為耦廣尺深尺曰畊

廣深去音

長終畝

一畊三畊而播種

上音

於畊中苗生葉以上稍耨隴草

因隤

音頽下也

其土以附苗根故其詩曰或芸或芋黍稷

儼儼芸除草也茅附根也言苗稍壯每耨輒附根比
盛暑隴盡而根深能耐風與旱故儼儼然而盛也

九一之法

為公田而行助法殷商之井田也

秀民

管子小匡篇曰今夫農群萃而州處察其四時權節
其用耒耜芟及寒擊菟除田以待時耕而疾耨之
以待時時雨既至挾其耜鋤耨鋤以旦暮從事於田

野脫衣就功首戴茅蒲身衣襪襪霑體塗足暴其髮
膚盡其四肢之敏以從事於田野少而習焉其心安
焉不見異物而遷焉是故其父兄之教不肅而成其
子弟之學不勞而能夫是故農之子恒為農野處而
不暱其秀民之能為士者必足賴也 州二千五百
家也莫枯草也搶音鏘陽庚二韻鏘音博襪音撥
適暴步木切暱尼質切近也說又見國語齊語

陳陳相因

前漢書太倉之粟陳陳相因充溢露積於外至腐敗而不可食

有年

五穀皆熟為有年

勾龍氏

社稷

共工氏有子曰勾龍氏平水土故祀以為社

共工氏之霸九州也其子曰后土能平九州故祀以

為社

厲山氏之有天下也其子柱能植五穀故祀以為稷
蔡邕曰周棄播殖百穀以稷為百穀之長因以稷名
其神

羅弊

周禮夏官大司馬之職中

仲音秋教治兵遂以獮田如

蒐田之法羅弊獻禽以祀祊鄭氏註曰秋田為獮獮

殺也羅弊罔止也罔網通秋田主用罔中

音衆殺者多

也皆殺而罔止祊當為方聲之誤也秋田主祭四方

報成萬物詩曰以社以方是也 獮音蘇四時獵春

蒐夏苗秋獮冬狩

倉廩禮節

管子牧民篇國多財則遠者來地辟闢舉則民留處

倉廩實則知禮節衣食足則知榮辱上下服則六親

固四維張則君令行

大田

稂童梁

爾雅釋草稂童梁郭璞注以為莠類陸璣草木疏禾粟秀為穗而不成稊稊然謂之童梁今又謂之宿田翁或謂之守田稂因郎有郎良二音說文作節謂之童節稊土力切稊魚力切

螟

螟食苗心李巡爾雅註曰言其姦冥冥難知也劉向五行傳曰視之不明時則有羸蟲之孽謂螟螣之類聽之不聰時則有介蟲之孽謂蝻蜚螻之類或曰螻

螟之始生屬羸蟲之孽羅端良爾雅翼曰如此則但
知螟螣之為羸蟲螽之為介而已今食苗心者乃無
足小青蟲既食其葉又以絲纏集衆葉使穗不得展
江東謂之橫蟲讀如橫逆之橫言其橫生又為橫灾
漢孔臧蓼蟲賦爰有蠕蟲厥狀似螟是螟為無足蠕
蠕之蟲也 蜚父沸切音蜚螽余專切音鉉羸魯果
切音裸螽橫去聲蠕尺充切音舛蠕乳充切音軟

螽

螾與蠚古今字通用食禾葉者謂之蠚是蠚即蝗也
其種類不一故月令曰百螾時起許慎曰百螾動股
動股者蚣蝻蝗屬時起害稼蠚之言貸言假貸無厭
故生蠚此李巡輩之言李巡孫炎解爾雅並因託惡
政為說 螾蝻蠚並通敵德切音特蚣一作蚣
先恭切蝻音胥

禾蟲

蝻字亦作蝻食禾根者李巡曰言其稅取萬民財貨

故云蝨或曰蝨螻蛄也爾雅蝨音柔螻蛄音武方言曰

蛄諸謂之社畧

音格螻蛄

音室

謂之螻蛄或謂之螻象音象蛉

音零南楚謂之社狗或謂之蛄螻蛄食苗根為人患

賊

賊食禾節者李巡曰言其貪狠故曰賊陸璣曰螟似
蚘蚘而頭不赤賊似桃李中蠹蟲赤頭身長而細耳
蚘蚘一作子方

冬蝨

公羊傳作蜾蠃之類群盛故春秋書雨冬蝻于宋雨去
聲言自上而下衆多之甚如雨之雨也

蜚

蜚者負盤臭蟲也亦作蜚似蟻

音蟲

而輕小能飛春

秋書蜚劉向以為蜚色青近青青音生之上聲災

也劉歆以為負蟄也性不食穀食穀為災介蟲之孽

羅端良曰今負盤好以清旦集穀上食稻花田家率
以蚤作掇拾置他所至旦日出則皆散去不可得矣

既食稻花又其氣臭惡能燬稻使不蕃春秋書之當
由此爾今人謂之蜚盤蟲亦謂之香娘子本草謂之
蜚蠊羅端良先於晦庵數年晦庵稱羅豫章

姚崇遣使捕蝗

唐玄宗開元三年山東大蝗民或於田旁焚香膜拜
設祭而不敢殺姚崇遣御史督州縣捕而瘞之崇奏
詩云秉畀炎火此除蝗之義也 膜音模莫胡切膜
拜長跪也

瞻彼洛矣

卷九

茅蒐

茅蒐如蘆也古謂之茅蒐今謂之茜草茜亦作蒨一名地血一名牛蔓染絳之草也葉似棗葉頭尖下闊莖葉俱澁四五葉對生節間蔓延草木上根紫赤色八月採根以染說文曰茅蒐染草一入為黼詩所謂黼黻有奭左傳所謂黼韋之跗注皆茅蒐所染之皮為之凡皮生者為韋熟者為韋黼赤色如蘆音閭蒐

音搜茜千之切

韋弁

周禮夏官弁師掌韋弁皮弁註云弁者古冠之名稱
委貌緇布曰冠 韎韐朱子云只是戎服成公十六
年韎韐跗注跗音敷跗注戎服若袴而屬於跗與袴
連跗足之背也

洛

洛水出商州上洛縣冢嶺山桑欽水經云出謹舉山

鄭漁仲云恐是上洛舊名謹舉東過熊耳山又東北過虢州盧氏縣又東過河南縣穀水從西來入焉又東過洛陽南伊水從西來入焉又東北過鞏縣東又北入于河班固云洛水行千七十里又有一洛水出同州蒲城縣洛水谷谷在荆山禹貢所謂荆岐既旅者其水東南流至耀州富平入渭

穀

穀水出澠池縣陽穀谷入洛

伊

伊水出虢州盧氏縣熊耳山東北過陸渾伊闕至洛陽入洛

瀍

瀍水舊云出穀城縣潛亭北今穀城并為河南縣地東過洛陽至偃師縣入洛

澗

澗水出河南新安縣南白石山東南入瀍

伊洛渥澗河南之水春秋說題辭云洛之為言繹也
言水繹繹光耀也王氏曰洛水有二其一在宗周其
一在東都在宗周則周官職方氏所謂河西曰雍州
其浸渭洛是也在東都則書康誥所謂周公初基作
新大邑于東國洛是也

琬琰琬琰

毛傳曰士琬琰而琬琰琰必孔切佩刀削之上飾削
去聲琬力計切音荔說文曰蜃屬蜃大蛤也蚌亦一

名蜃周禮蜃物蜃器地官掌蜃春秋傳之蜃炭皆謂
蛤蜃之蜃非蛟蜃之蜃羅端良云瑤即牡蠣

桑扈之什

桑扈

方伯連帥

禮記王制千里之外設方伯五國以為屬屬有長十
國以為連連有帥三十國以為卒卒有正二百一十
國以為州州有伯鄭氏註云屬連卒州猶聚也伯帥

正亦長也凡長皆因賢侯為之殷之州長曰伯虞夏
及周皆曰牧

鴛鴦

翼左右掩

爾雅釋鳥曰鳥之雌雄不可別者以翼右掩左雄左
掩右雌雖非橫渠並棲之說亦互相發

莖

莖音剡與摧同采卧切軟芻也

頰弁

頰弁貌

後漢輿服志古者有冠無幘其戴也加首有頰所以安物故詩曰有頰者弁此之謂也

期

實維何期之期音基

搏

遇溫氣而搏之搏音團徒端切搏擊也搏控也聚也

蔦蘿

蔦寄生孔穎達以為爾雅釋草無文今說見於陸璣
草木疏陸疏蓋因毛傳為說也女蘿毛傳以為菟絲
松蘿爾雅釋草唐蒙女蘿女蘿菟絲又云蒙王女唐
也蒙也女蘿也菟絲也王女也凡別五名陸璣草木
疏曰菟絲蔓連生草上黃赤如金今合藥菟絲子是
也非松蘿松蘿自蔓松上生枝正青與菟絲殊異

車牽

景行

慈溪黃氏

震

日抄曰景者大也行者路也大路則行

之也表記之言蓋斷章取義以為嚮往而興起唐明

皇序孝經有景行先哲之語後人緣此遂有景慕之

說不以景為大行為路非經旨矣若溪胡氏仔漁隱

叢話曰黃魯直云俞清老作景陶軒名為未當詩云

景行行止景明也明行則行之耳魏晉間所謂景莊

景儉等從一人差誤遂相承繆

青蠅

青蠅變白黑

段成式酉陽雜俎曰蒼蠅聲雄壯青蠅聲清聒其聲
皆在翼蒼蠅糞敗物雖玉猶未能免所謂蠅糞點玉
是也青蠅首赤如火背若負金汙穢能變白黑謂其

點白為黑點黑為白也

一云青蠅點玉

賓之初筵

侯

考工記梓人為侯廣與崇方參分其廣而鵠居一焉
天官司裘王大射則共藉虎侯熊侯豹侯設其鵠諸
侯則共熊侯豹侯卿大夫則共麋侯皆設其鵠鄭康
成註曰謂之侯者天子中衆音之則能服諸侯以下中
之則得為諸侯

白質赤質

鄉村記文白質赤質者皆謂采其地不采者白布也
熊麋虎豹豕皆正面畫其頭象於正鵠之處君畫

一臣畫二陽奇

音基陰

耦之數也凡畫者丹質侯皆畫

雲氣於其側以為飾必先以丹采其地丹淺於赤也

上綱下綱

梓人上綱與下綱出舌尋續寸焉續于貧切又尤粉切亦古大切籠綱者也鄭康成云綱所以繫侯於植者也植直吏切上下皆出舌一尋者亦人張手之節也鄭衆云綱連侯繩也續籠綱者舌維持侯者大射儀前期三日張大侯不繫左下綱孔穎達曰鄉射

之初雖言張侯而以事未至經云不繫左下綱中掩束之至於將射以司正為司馬乃云司馬命張侯弟子脫束遂繫左下綱是將射始張之

射禮三耦

儀禮大射之禮司射作三耦射三耦出次西面揖當階北面揖及階揖卒射北面揖揖如升射適次反位三耦卒射亦如之耦對也射必有耦上耦次耦所以決勝負別能否也

的質

發彼有的毛傳的質也孔穎達曰鄭衆馬駝注周禮
皆云十尺曰侯四尺曰鵠二尺曰正音征四寸曰質以
為侯皆一丈鵠及正質於一侯之中為此等級則亦
以此質為四寸也一說射張皮謂之侯侯中謂之鵠
鵠中謂之正方二尺正中謂之絜方六寸絜即質也
王肅改質為六寸

豐上之解

大射之禮司射命設豐于西楹西勝者之子弟洗解酌奠于上勝者不勝者出揖如升射及階勝者先升堂不勝者進坐取豐上之觶興立卒觶坐奠于豐下興揖先降

拾發

儀禮大射拾發以將乘矢拾音跲巨業切更也將行也四矢謂之乘射者更代發以行此四矢

因射而飲

射禮有三大射賓射燕射周禮梓人云張皮侯而棲鵠則春以功註云春讀為蠢蠢作也出也天子將祭必與諸侯群臣射以作其容體出其合於禮樂者與之事鬼神皮侯以皮所飾之侯大射之侯也梓人云張五采之侯則遠國屬註云五采之侯謂以五采畫正之侯遠國屬者若諸侯朝會王張此侯與之射所謂賓射也正之方外如鵠內二尺五采者內朱白次之蒼次之黃次之黑次之其侯之飾又以五采畫雲

氣焉梓人云張獸侯則王以息燕註云獸侯畫獸之
侯天子熊侯白質諸侯麋侯赤質大夫布侯畫以虎
豹士布侯畫以鹿豕凡畫者當質是獸侯之差也息
者休農息老物也燕謂勞使臣若與群臣閒暇飲酒
而射也勞力報切使色更切

因祭而飲

蘇子由曰先王將祭必大射以擇士將射必先行燕
禮既安賓然後改懸以避射既旅然後張侯及弓比

其射夫而耦之既耦然後拾發 崔靈恩集注以一
章之賓之初筵左右秩秩為大射二章之籥舞笙鼓
樂既和奏為燕射

崇坫康圭

記明堂位崇坫康圭鄭氏註云崇高也康讀為亢龍
之亢又為高坫亢所受圭奠于上焉 坫築土為之
在兩楹間康舉也舉圭於坫之上也

始治卒亂

莊子人間世篇以禮飲酒者始乎治常卒乎亂郭象
註曰治謂尊卑有別旅酬有次亂謂湛酒淫液也旅
衆也衆相酬酢也湛音沈液溢同

司正

儀禮鄉飲酒主人降席自南方

不由北
方由便

側降

側特也
賓介不

從故
言側

作相為司正

作使也
相去聲

鄉射主人降席自南方側

降作相為司正燕禮射人自阼階下請立司正公許
射人遂為司正

采菽

路車

春官巾車王五路玉路金路象路革路木路玉路錫
樊纓十有再就建太常十有二旂以祀金路鉤樊纓
九就建大旂以賓同姓以封象路朱樊纓七就建大
赤以朝異姓以封玉金象三路以玉金象飾諸末
也革路鞅之以革而漆之無他飾木路不鞅以革沐
之而已就成也五色備而一匝謂之一就樊及纓皆

以五采罽飾之錫音羊樊音盤鞞音瞞罽音計旂音

留旂旒也

袞冕有五一袞冕二鷩冕三毳冕四絺冕五玄

展几切

冕第五卷九罽篇已載九章之義茲再出十二章說

邢叔明

曷

曰日月星辰取其照臨於下山取興雲致

雨龍取變化無窮華蟲謂雉取耿介藻取文章火取
炎上以助其德粉取潔白米取能養黼取斷割黻取

背惡嚮善

檻泉

爾雅云檻泉正出公羊傳云直出直猶正也正出者
涌出也自發源處涌而直上故曰正出

行滕幅齊

滕緘也行滕者言行而緘束其足

幅嚴坦叔音偏言攷內則之偏及左傳帶裳幅烏
幅偏字異皆音逼

恭敬齊遼之齊音咨

紉纚維

紉者絳也纚維者繫也絳音律

苑柳

戰國策

戰國策楚春申君使人請孫子於趙孫子為書謝因為賦曰寶珍隋珠不知佩兮禕布與絲不知異兮閭妹子奢莫知媒兮媒母求之又甚喜之今以瞽為明

以聾為聰以是為非以吉為凶嗚呼上天曷惟其同
詩曰上天甚神無自瘵也此孫子即荀卿子春申君
黃歇楚之國相

都人士之什

都人士

周尹姑

春秋尹氏世為公卿周之舊族左傳鄭石癸曰姑吉
人也后稷之元妃也周舊婚姻故稱尹姑

晉王謝

王王導族謝謝安族王有太原琅邪二宗琅邪為盛
太尉王祥與弟覽之後王導是也

唐崔盧

捷

山東崔盧李鄭諸族自矜地望凡為婚姻必多責財
貨或捨其鄉里妄稱名族或兄弟齊列更以妻族相
陵唐太宗惡之命吏部尚書高士廉等徧責天下譜
牒質以史籍考其真偽褒進忠賢貶退姦逆分為九

等士廉等以黃門侍郎崔民幹為第一帝更命刊定
專以品秩為高下於是以皇族為首外戚次之民幹
為第三凡二百九十三姓千六百五十一家貞觀十
二年春正月頒氏族志於天下李肇國史補山東四
姓土門崔岡頭盧潭底李滎陽鄭皆為顯族
捷其言切舉也

黍苗

師從旅從

春秋左傳定公四年衛祝鮀曰嘉好之事君行師從
卿行旅從從去聲二千五百人師五百人旅

謝

歐陽文忠公曰謝黃帝後周滅之以封申伯在南陽
之宛縣荊州記棘陽東北百里有謝城桑欽水經云
謝水所出棘陽在唐之湖陽西北

隰桑

思公子

九歌湘夫人沅有芷兮澧有蘭思公子兮未敢言

白華

褒姒

夏后氏衰有二龍止夏庭夏帝卜請其漿櫝而藏之
漿者所吐沫也夏亡櫝傳殷周至厲王發而觀之漿
化為玄龜入王後宮童妾遭之既笄生女懼而棄之
宣王時童謠曰檠弧箕服實亡周國有夫婦賣是器
者宣王使執之夫婦逃夜聞所棄女啼聲收而奔於

褒後褒人有罪獻之以贖罪女出於褒是為褒如幽
王見而愛之生子伯服廢申后及太子宜臼以褒如
為后 褒褒國如氏與夏同姓夏有褒君古之褒國
漢之褒中梁州褒城縣有褒水褒穀 壓山桑 弧
弓 箕木名 服箭筈 繫音時

疵病

無將大車祇自疵今古註本音抵都禮切朱子讀平
聲音痞眉貧切從劉氏說也與此宜相通

金分
卷九
漉池

宋敏求長安志云長安縣有漉池水出縣西北二十里益按漉池焦獲澤之類殆因詩命名耳

縣蠻

朝駕夕極

春秋外傳魯語曰子服惠伯見晉韓宣子曰魯之密邇於齊而又小國也齊朝駕則夕極於魯國不敢憚其患而與晉共其憂亦曰庶幾有益於魯國乎

茗之華


芸

裳裳者華篇云芸黃盛也此當與同

茗

茗有旨茗有陵茗陳風防有鵲巢邛有旨茗陸璣疏
旨茗茗饒也幽州人謂之翹饒茗生莖如勞豆而細
葉似蒺藜而青此小雅茗之華之茗陵茗也一名紫
葳一名陵時一名凌霄蔓生附喬木上雖名紫葳花

則不紫羅端良云此花亦彌絡石壁如錦綉盛夏勿
仰視露滴目中傷目



詩傳旁通卷九

欽定四庫全書

經部

詩傳旁通卷十一

詳校官監察御史_臣盛嘉祐

通政使司副使_臣莫瞻菴覆勘

總校官進士_臣楊懋珩

校對官中書_臣吳向華

謄錄監生_臣陸維新

欽定四庫全書

詩傳旁通卷十

元梁益撰

大雅文王之什

文王

叔父陟恪

春秋左傳昭公七年秋八月衛襄公卒衛齊惡告喪於周且請命王使成簡公如衛弔且追命襄公曰叔父陟恪在我先王之左右以佐事上帝余敢忘高國

亞園 王周景王齊惡衛大夫

楨榦

楨榦版築之木也題謂之楨牆端之木也旁謂之榦
牆兩邊所以障土者也

某士

禮記曲禮列國之大夫入天子之國曰某士

鬯

鬯草名陸農師曰先鄭氏小毛公所謂鬯香草也築

而煮之芬芳調鬯因謂之鬯記曰鬱合鬯蕭合黍稷
此明築煮在於祭前及灌然後合而成之周官鬱人
掌裸器和鬱鬯以實彝而陳之秬黑黍也秬鬯者秬
為百穀之華鬯為百草之英故先王煮以合鬯劉向
說苑曰鬯者百草之本上暢於天下暢於地無所不
暢故天子以鬯為贄芬芳調鬯亦作條暢

鬯

後漢書輿服志爵弁一名冕廣八寸長尺二寸如爵

形前小後大繒其上似爵頭色有收持筭所謂夏收
殷冔者也蔡邕獨斷曰殷黑而微白前小而後大夏
純黑亦前小而後大皆以三十六升漆布為之詩曰
常服黼冔禮記註服黼衣而冔冠也陸德明曰冔大
也夏后氏冠殷曰冔周曰冕

升

布八十縷為一升漢食貨志周布幅廣二尺二寸程
子云古尺一尺當今五寸五分每幅三十六升可見

細密升音登成也

統承作賓

書微子之命文作賓如虞賓在位

敢告僕夫

左傳襄公四年晉魏絳曰昔周辛甲之為太史也命百官官箴王闕於虞人之箴曰芒芒禹迹畫為九州經啓九道民有寢廟獸有茂草各有攸處德用不擾在帝夷羿冒于原獸忘其國恤而思其麇牡武不可

重用不恢于夏家

叶孤音

獸臣司原敢告僕夫

孔子論詩

漢書劉向傳向諫成帝疏曰臣聞易曰安不忘危存
不忘亡是以身安而國家可保也故賢聖之君博觀
終始窮極事情而是非分明王者必通三統明天命
所授者博非獨一姓也孔子論詩至於殷士膚敏裸
將于京喟然嘆曰大哉天命善不可不傳于子孫是
以富貴無常不如是則王公其何以戒慎民萌何以

勸勉

萌與
毗同

蓋傷微子之事周而痛殷之亡也雖有堯

舜之聖不能化丹朱之子雖有禹湯之德不能訓末
孫之桀紂自古及今未有不亡之國也昔高皇帝既
滅秦將都雒陽感悟劉敬之言自以德不及周而賢
於秦遂徙都關中依周之德因秦之阻世之長短以
德為効故常戰栗不敢諱亡孔子所謂富貴無常蓋
謂此也

周公所作

呂氏春秋仲夏紀周文王處岐諸侯去殷三淫而翼
文王散宜生曰殷可伐也文王弗許周公旦乃作詩
曰文王在上於昭於天周雖舊邦其命惟新以繩文
王之德高誘註曰淫過也翼佐也三淫謂剖比干之
心斷材士勇力之士之足剗孕婦之胎者故諸侯去之而
佐文王也今按文王在而公旦稱文王呂不韋之言
未可盡信

兩君相見之樂

國語魯語叔孫穆子聘於晉

叔孫豹

晉悼公饗之樂及

鹿鳴之三而後拜晉侯使行人問焉對曰夫歌文王
大明繇則兩君相見之樂也皆昭令德以合好也皆
非使臣之所敢聞也臣以為肄業及之故不敢拜

左傳襄公四年叔孫穆叔云文王兩君相見之樂也

大明

太任

王季之妻文王之母摯國任姓之女尊之曰太任中

女也中去聲

太姒

文王之妃武王之母張守節曰國語云杞鄫二國姒姓夏禹之後太姒之家

莘

莘妫姓藝倖六字同一音姒姓之國文王妃太姒之母家今同之夏陽漢郃陽也有太姒冢城祠廟唐十道志在同之河西河西即郃陽郡國志郃陽南二

十里古莘國莘亦禹之母家縣納有嬖氏女生伯禹
倪

倪朱傳牽遍切按字書又胡典切音峴毛傳倪磬也
孔疏此倪字韓詩文作磬則倪磬義同也許慎云倪
譬喻也蓋如今俗語比喻物云磬作然也按此皆方
言漢唐人各異耳

造舟

孔疏比其舟而渡曰造舟中央左右相維持曰維舟

併兩船曰方舟一舟曰特舟 水深不可施梁柱建
橋連鎖其船於水面以渡謂之浮橋

牧野

旅若林

衛之汲縣故商都牧野之邑

旅若林武成文

太公望

史記齊世家太公望呂尚者東海上人蓋嘗窮困年
老矣以漁釣奸與干同周西伯西伯將出獵卜之曰所

獲非龍非麀

梨

非虎非羆所獲霸王之輔於是周西

伯獵果遇太公於渭之陽與語大悅曰自吾先君太公曰當有聖人適周周以興子其是耶吾太公望子久矣故號之曰太公望載與俱歸立為師 吾先君太公謂周先君太君組紺世本作太公組紺史記作公叔祖類

師尚父

武王即位師尚父劉向別錄曰師之尚之父之故曰

師尚父父亦男子之美稱也毛公詩傳曰師太師尚父可尚可父也

涼漢書作亮

前漢書王莽傳詩云時惟鷹揚亮彼武王涼字作亮註云亮助也

繇

沮漆

嚴坦叔曰沮漆名稱相亂桑欽水經云沮水出北地

郡直路縣東過馮翊祿縣北東入于洛此沮水之

源流也

馮音凭翊音亦祿音對翊音許

漢志扶風有漆縣漆水在縣

西東入渭又闕駟十三州記云漆水出漆縣西北至

岐山東入渭此漆水之源也沮出北地入洛漆水出

扶風入渭沮自沮漆自漆孔氏引水經云沮水俗謂

之漆水又謂之漆沮此則名稱相亂矣 樂史寰宇

記曰邠之新平漢漆縣也有漆水屬扶風隗囂攻略

陽上至漆漢之漆今邠治也 鄭漁仲通志畧曰沮

水出邠州界經華原縣北入于漆漆水出鳳翔普潤縣東或云出岐山經華原縣與沮水合南至富平縣入于渭鳳翔即漢扶風郡

小雅漆沮之從與此不同

莖烏頭

苦莖

莖有二有莖莖之莖有苦莖之莖莖音急一音及爾雅曰莖莖草郭景純曰即烏頭也鄭漁仲曰莖草初種之母如芋魁而首似烏鳥之首故名烏頭兩岐如鳥張口者名烏喙皆取其似鳥頭傍生者為附子附

子傍生者為側子烏頭不生附子者為天雄天雄長大至三寸以上本草云春採為烏頭冬採為附子廣雅云一歲為側子二歲為烏喙三歲為附子四歲為烏頭五歲為天雄今皆不然魏人張楫作廣雅但一歲下種即有此五物以冬至種以八月採出於蜀中綿州彰明縣尤多世以烏頭附子天雄為三建以此三物舊皆出於建平故也謝靈運郊居賦三建異形而同出附子為百藥之長一名奚毒

苦董 爾雅醬苦董郭璞註董葵也葉似柳子如米
肉食之滑禮記內則董苴粉榆按內則之言蓋取其
滑此菜野生俗謂之董菜

楚煇

宗廟為先

臯門應門

煇吐雷切音推儀禮士喪禮曰卜日既朝哭皆復外
位卜人先奠龜于西塾上南首有席楚煇置于煇在
龜東

煇音雀

孔穎達曰春官華氏掌供煇契以待卜事

註引士喪禮之楚煇即契也所用灼龜者也楚荊也

卜者以楚燔之木燒之於焦炬之火既燃執之以灼
龜也華是捶切

宗廟為先廡庫為次居室為後記曲禮文

臯門應門五門三門之說胡庭芳詩纂甚明此不再
述越上一朋友嘗與益言詩傳集成非胡氏書益亦
無以質其真偽一日檢故書中有鄱陽李養吾謹思

送胡庭芳入閩序言庭芳再入閩而詩纂成而序作
於延祐甲寅之前二十餘年則今日之詩傳附錄纂

疏不可謂非其書也

謂之宜

爾雅起大事動大衆必先有事於社而後出謂之宜
禮記王制天子諸侯將出皆宜乎社鄭氏註曰宜祭
名其禮亡

虞芮質成

毛傳之說見於孔子家語家語好生篇孔子曰以
此觀之文王之道其不可加焉不令而從不教而聽

至矣哉

虞

仲雍之後陝之平陸吳山有虞城虞井虞城在平陸
東北六十里本帝舜之後所謂西虞也羅長源曰西
虞者舜庶子之後也舜之庶子七人皆釐降為齊民
主胡負遂廬蒲衡甄潘饒耆傳鄒息有何母轅餘姚
上虞濮陽餘虞西虞亡錫巴陵衡山長沙凡十八邑
皆其裔也

芮

伯爵周同姓國畿內諸侯為王朝卿士大夫者今陝西芮城西二十里有芮故城酈氏注桑欽水經曰河水自河北城南東逕芮城有芮君祠

間原

虞芮讓所爭田今平陸西六十里間原者所爭田也東西七里南北十二里

棧樸

圭瓚璋瓚

瓚裸酒之器其形如槃以圭為柄謂之圭瓚以璋為柄謂之璋瓚以成器而言謂之玉瓚

其判在內

裸

判分也半也毛傳半圭曰璋是璋為圭之半也考工記大璋中璋邊璋黃金勺青金外朱中是大中邊三者璋之等黃金為勺青金為外而朱其中者璋之飾也璋之為用酌酒裸獻其分判處分一半處皆朝向

裸酒之人所謂其判在內也故以喻趨向之意

裸者將祭而未殺牲之時酌鬱之酒灌地以降神降
猶求也

六師六軍

毛傳天子六軍孔疏軍之稱師乃是常稱益按文王
未嘗為天子六師之說非所施及攷詩意蓋追稱之
詞則六師亦追言之耳 嚴坦叔曰文王為西伯奉
王命以征伐則六軍與之俱進文王未有六軍以大

雅皆述王者之事故言六軍耳

文王九十七乃終

文王世子篇文王謂武王曰女音汝何夢矣武王對曰
夢帝與我九齡文王曰女以為何也武王曰西方有
九國焉君王其終撫諸文王曰非也古者謂年齡齒
亦齡也我百爾九十吾與爾三焉文王九十七乃終
武王九十三而終 文王未嘗稱王武王曷為稱父
君王此記禮者之誤

早麓

鬱鬯

鬯

釀

賜秬鬯

周禮春官鬱人掌裸器鬯人掌共秬鬯

共註

云裸器

謂彘及舟與瓚鄭司農衆云鬱草名十葉為貫百二

十貫為築以煮之釀

子遙切

中停於祭前鬱為草若蘭

禮圖云鬱草十二花狀如紅藍羅端良曰秬黑黍也

古者釀以為酒以供祭祀謂之秬鬯亦曰鬱鬯周禮

有鬯人之職鬱人之職鬱者鬱金香草鬯人既釀秬

為酒將用則授之鬱人鬱人築鬱金之草以和之芬
芳調暢故謂之鬯築者搗也用則以瓚盛之酒既和
鬱其色正黃在瓚中流動故曰黃流宗廟之祭春祠
夏禴秋嘗冬烝追享朝享以至社壝門祭及山川四
方之祭皆有裸鬯之事然鬱之為物雖香久則失其
芬芳故用時旋和之取其新潔耳

鬯孫毓云鬯是酒名非草名劉向云鬯者百草之本
陸農師云傳言鬯草生庭皆以為草

焦音焦刀斗溫器三足有柄

賜鉅鬯孔穎達曰孔叢子曰吾聞諸子夏曰殷王帝乙之時王季以九命作伯於西受圭瓚鉅鬯之賜

抱朴子

晉葛洪字稚川丹陽句容人元帝時累召不起止羅浮山鍊丹著書自號抱朴子因以命書 文獻通考 晁氏曰葛稚川博聞深洽江左絕倫著書甚富晉書 內外篇通有一百一十六篇今世所傳者四十篇而

已外篇頗言君臣理國用刑之道故子集附之於雜
家者流焉

爇

許氏說文曰芟草燒之曰爇放火曰燎爇許氣切音
餽南史宋孝武帝大明初揚州刺史西陽王子尚
言上山湖之禁雖有舊科民俗相因替而不奉爇山
封水保為家利宋史又云凡是山澤先恒爇種竹
木薪果為林爇刀居切皆爇燎之義也因旁通

思齊

太姜

列女傳太姜有台氏女 台駘通太王娶於駘琅邪
之駘國非后稷武功之駘琅邪在今山東

百男言其多

史記管蔡世家武王同母兄弟十人母曰太妣文王
正妃也其長子伯邑考次武王發次管叔鮮次周公
旦次蔡叔度次曹叔振鐸次邠叔武次霍叔處次康

叔封次眡季載眡季最少伯邑考前卒 左傳定公
四年衛祝鮀曰武王之母弟八人周公為太宰康叔
為司寇眡季為司空五叔無官豈尚年哉 僖公二
十四年富辰曰管蔡邶霍魯衛毛眡邴雍曹滕畢原
鄆郇文之昭也此皆槩言文王之子衆多非必真百
男也

姜里之囚

紂囚文王於姜里時文王嘗作歌其詞曰殷道溷溷

浸濁煩兮朱紫相合不別分兮迷亂聲色信讒言兮
炎炎之雪使我愆兮幽閉牢穽由其言兮邁我四國
憂勤勤兮天台陳德翁仁王曰姜里歌詞旨淺露
疑非文王之言不敢質也

性與天合

毛傳不聞亦式不諫亦入言性與天合也

皇矣

扶老

格櫝音

西漢書孔光傳賜太師靈壽杖孟康曰扶老杖也服虔曰靈壽木名顏師古曰木似竹有枝節長不過八九尺圍三四寸自然有合杖制不須削治東漢書蔡順傳註扶老藤也 梧音居當云斤於切櫝去愧切太伯適吳

太亦作泰太伯古公太王之長子史記周本紀太伯虞仲知古公欲立季歷以傳昌二人乃亡如荊蠻文身斷髮以讓季歷張守節正義曰太伯奔吳所居

城在蘇州北五十里常州無錫縣界梅里村其城及
冢見存而云亡如荆蠻者越滅吳吳地屬越楚滅越
其地屬楚秦滅楚其地屬秦秦諱楚改曰荆故通號
吳越之地為荆及北人書史加云蠻勢之然也 丈
身斷髮應劭曰常在水中故斷其髮丈其身以象龍
子故不見害 漢趙曄吳越春秋古公病二人托名
採藥于衡山遂之荆蠻斷髮丈身為夷狄之服示不
可用古公卒太伯仲雍歸赴喪畢還荆蠻國民而君

事之自號勾吳 左傳哀公七年子貢曰太伯端委
以治周禮仲雍嗣之斷髮文身羸以為飾豈禮也哉
有由然也石林葉少蘊曰以傳考之斷髮文身蓋仲
雍太伯無與音去焉

勾吳

互吳 三吳

吳言勾者夷人發聲猶春秋之言於越也

伯爵吳大也即泰伯居勾吳也勾吳故城在無錫梅
里平墟城內有泰伯井及泰伯之墓

姑蘇吳興丹陽為三吳

貊莫

春秋傳成鱄之言禮記樂記篇引此詩皆作莫其德
音貊莫通左氏傳云德正應和曰莫

度莫明類順比

心能制義曰度德正應和曰莫照臨四方曰明勤施
無私曰類教誨不倦曰長賞慶刑威曰君慈和徧服
曰順擇善而從之曰比經緯天地曰文昭公二十八

年晉成鮪對獻子魏舒之言與周公諡法相表裏

文王征伐

密

阮

共

崇

史記周紀紂赦西伯賜之弓矢斧鉞得征伐明年伐
犬戎明年伐密須明年敗者明年伐邠明年伐崇侯
虎而作豐邑自岐下而徙都豐明年西伯崩者即黎
也邠音余

密須子爵商侯國世本云商有密須文王伐之魯有
密須之鼓杜預左傳註云姑姓之國在安定陰密

元和姓纂云阮地在岐渭之間或云周中葉有阮鄉侯恭共通虞公所奔之共池

縣國伯爵永興鄠東之故鄠宮是也鄠與豐同鄠即扈也故扈一曰崇扈禹之父名髀音衮

程

程者商封吳回之後今咸陽故安陵城周程邑也王季居之周書王季宅程世紀王季徙于程地志安陵隸扶風地在岐南與畢相接所謂畢程者武王嘗窮

於畢程是也河南洛陽亦有程地乃程伯休父之邑
方鄉

六章萬邦之方鄭康成曰方猶鄉也言為萬國之所
鄉也鄉音向去聲

類禡

孔穎達禮記疏曰釋文云是類是禡師祭也爾雅多
為釋詩然類不皆為師祭但以事類告天如以攝位
事類告天謂之類以巡狩事類告天亦謂之類古尚

書說非時告天謂之類肆師註云為師祭造軍法者
禱之氣勢百倍其神蓋蚩尤或曰黃帝也 陳祥道

禮書曰周官言貉詩與禮記爾雅言禡其實一也

貉禡

同貉之祭蓋使有司為之而立表於陳前肆師為位

甸祝掌祝號既事然後誓衆而師田焉周官所謂表

禡誓民是也古者將射則祭先侯將卜則祭先卜將

用火則祭先燿

音貫

將用馬則祭馬祖然則將師田而

貉祭者不特為禱而已也

黃帝

史記五帝紀黃帝者少典之子姓公孫名曰軒轅軒
轅之時神農氏世衰諸侯相侵伐暴虐百姓而神農
氏弗能征於是軒轅乃習用干戈以征不享諸侯咸
來賓從而蚩尤最為暴莫能伐炎帝欲侵陵諸侯諸
侯咸歸軒轅軒轅乃修德振兵以與炎帝戰於阪泉
之野三戰然後得其志 炎帝榆罔亂起黃帝親與
帝榆戰于阪泉羅氏路史曰黃帝有熊氏姓公孫名

荼一曰軒軒之字曰玄律少典氏之子母吳樞曰符
葆一名附寶祕電繞斗軒而震二十四月而生帝於
壽丘故曰名軒太史公謂名軒轅後世從之非也壽
丘在上邽或云濟南

蚩尤

蚩尤阪泉氏姜姓炎帝之裔也炎帝參廬曰榆岡居
空桑命蚩尤居小顓以臨四方蚩尤作亂伐空桑逐
榆岡居涿鹿涿鹿一云濁鹿自以為炎帝之後篡號

炎帝參盧遂委命於有熊氏有熊於是暨力牧神皇
率風后鄧伯溫之徒及蚩尤戰於涿鹿山執蚩尤于
中冀而誅之身首異處蚩尤封域有鹽池之利今河
東解池是也皇覽冢墓記蚩尤冢在壽張縣闕鄉城
中高七丈中冀冀州也蚩尤正冢在壽張肩髀冢在
山陽郡鉅野縣故云身首異處

皇覽 皇覽者書籍名也其書皆記古帝王及聖賢
冢墓

因壘而降

左傳僖公十九年宋人圍曹討不服也子魚言於宋公曰丈王聞崇德亂而伐之軍三旬而不降退修教而復伐之因壘而降

靈臺

靈臺

三輔黃圖周文王靈臺在長安西北四十里文王受命而作邑于豐立靈臺高二丈周回百二十步左傳

僖公十五年秦伯獲晉侯以歸舍諸靈臺杜預註云
在京兆鄠縣周之故臺也 孔穎達疏左哀三十五
年衛侯為靈臺於藉圃則是新造其時僭為此名耳
枸虞

冬官梓人為筍虞天下之大獸五脂者膏者羸者羽
者鱗者宗廟之事脂者膏者以為牲羸者羽者鱗者
以為筍虞筍周禮作筍詩作枸同息允切虞或作簠
曰許切音巨樂器所縣橫曰筍植曰虞縣懸通 孔

穎達詩疏懸鐘磬者兩端有植木其上有橫木謂直立者為虞謂橫牽者為栒栒上加大版為之飾謂之業刻版捷業如鋸齒也其懸鐘磬之處又以彩色為大牙其狀隆然謂之崇牙栒即崇牙之貌栒然也栒音從容之從栒栒隆起貌 虞 鐘虞飾以羸屬磬虞飾以羽屬羸者謂虎豹貔螭為獸淺毛者之屬羽者謂鳥屬也 栒 鐘磬之筍皆飾以鱗屬鱗者謂龍蛇之屬也宗廟脂膏以為牲脂者謂牛羊之屬

膏者謂豕屬也屬屬通

論倫

禮記樂記論倫無患樂之情也 恒齋劉氏禮記說
曰論者雅頌之辭倫者律呂之音惟其辭足論而音
有倫極其和而無患害樂之本情也

單龍

象龍形長一二丈灰黑色背尾皆有鱗甲身具十二
肖肉蛇肉最後在尾枕瑩淨勝魚枕聲如鼓皮亦中

冒鼓故詩言鼉鼓一名土龍字一作鱣亦作鼃汲冢
周書王會篇云會稽以鼃

下武

天子致胙

史記商君傳秦人富強天子致胙於孝公諸侯畢賀
蘇秦傳周天子致文武之胙於秦惠王

五章於萬斯年之於嘆美之辭當音烏

詩傳旁通卷十

欽定四庫全書

詩傳旁通卷十一

元 梁益 撰

大雅生民之什

生民

姜嫄

史記姜嫄為帝嚳元妃韓詩章句姜姓原字或曰姜
原謚號也嫄原通有邠氏女邠國名雍州武功之邠
非琅邪之邠

郊禘

禮記月令仲春之月是月也玄鳥至至之日以太牢祠於高禘天子親往 郊禘禘即媒妁之媒尊異之故從神祇之祇而謂之禘一云高禘一云臯禘一云神媒羅長源曰女媧女皇氏妣媧雲姓一曰女希太昊氏之女弟少佐太昊禱于神祇而為女婦正姓氏職婚姻通行媒以重萬民之判是曰神媒以其載媒是以後世有國是祀為臯禘之神因典祠焉昔者貽

姜從鬻郊禴則郊禴之禮古先之世有之矣祓除之
祀位在南郊以玄鳥至之日祠之蔡邕曰禴神高辛
以前所有東哲曰臯禴者人之先也盧植曰玄鳥至
時陰陽中而萬物生於是以三牲請於高禴之神因
其明顯故謂之高因其求子故謂之禴古有媒氏之
官因以為神也

九嬪御

禮記昏義古者天子立后六宮三夫人九嬪二十七

世婦八十一御妻以聽天下之內治 月令后妃帥
九嬪御註御謂從往侍祠天子有后有夫人有嬪有
世婦有女御獨云帥九嬪舉中言也 六宮 大寢
一小寢五凡六

弓韜

呂氏春秋仲春紀高誘註曰韜弓韜也授以弓矢示
服猛得男象也韜音獨又音蜀弓韜之韜亦作弣弓
衣也並音叨他刀切

側室

記內則註側室謂夫之室次燕寢也 娠 音身又

貞震二音妊也妊如深汝鳩二切孕也

巨迹之說

毛公傳履踐也帝高辛氏之帝也武迹也敏疾也從
於帝而見於天將事齊敏也

鄭康成箋帝上帝也敏拇也介左右也夙之言肅也
祀郊禘之時時則有大人之迹姜嫄履之足不能滿

履其拇指之處心體歆歆然其左右所指任如有人
道感已者也於是遂有身而肅戒不復御後則生子
而養長之名之曰棄舜臣堯而舉之是為后稷 列

子天瑞篇思士不妻而感思女不夫而孕后稷生乎

巨迹伊尹生乎空桑

空桑中得小兒

史記周本紀姜原出

野見巨人跡心忻然悅欲踐之踐之而身動如孕者

居期而生子 羅長源泌曰后稷之生鳥翼羊腓齊

頃之誕狸乳羶嫗昆莫之棄野鳥銜肉東明之擲豕

嘔馬噓是豈人爲之哉 齊惠公之妾蕭桐叔子有
身賤而不敢言生頃公棄之野狸乳之羶覆之故長
名無野 烏孫昆莫生棄于野烏銜肉飼之匈奴收
養之後爲烏孫王 橐離生東明棄之溷豕嘔之棄
之廐馬噓之後爲扶餘王 左氏宣公四年楚鬬伯
比與邲女生子棄夢澤中虎乳之楚人謂乳殺謂虎
於菟故命之曰鬬穀於菟是爲令尹子文與羅長源
所引皆相類晦庵亦言漢高祖之生亦類稷契非可

以常理論也穀或作穀奴後切

先儒或頗疑之

今姑撫王充歐陽公一二說而黃東發語終之漢人
王充論衡曰儒者稱聖人之生不因人氣更稟精於
天禹母吞薏苡而生禹故夏姓曰姒契母吞燕卵而
生契故殷姓曰子后稷母履大人跡而生后稷故周
姓曰姬世好奇怪古今同情不見奇怪謂德不異故
因以為姓世間誠信因以為然聖人重疑因不復定

世士淺論因不復辨儒生是古因主其說契稷皆帝
嚳之子其母皆帝嚳之妃帝王之妃何為遶草野古
時雖質禮制已設帝王之妃何為浴於川夫如是言
聖人更稟氣於天母有感吞者虛妄之言也 歐陽
文忠公曰秦漢學者喜為異說高辛四妃皆以神異
而生子蓋堯有聖德稷契後世皆王天下數百年學
者喜為之稱述欲神其事故務為之說文忠公開祥
瑞之說有詩本義 嚴坦叔粲曰古無巨迹之說特

列子異瑞司馬遷好奇鄭氏信讖緯以帝武疑似之
辭藉口而為是說毛氏不信神怪其說甚正後世猶
未盡從者謂其以帝為帝譽耳今依毛以敏為疾而
不用其帝為高辛之說依鄭以帝為上帝而不用其
敏為拇指之說合二家之說而去取之可以折衷矣
黃東發震曰鄭氏謂姜嫄履巨人跡歆動而生后
稷近世大儒如晦庵東萊皆從之惟歐陽公嘗斥其
誕至嚴華谷力主歐陽之說焉如諸儒說姜嫄正因

履巨跡生子而驚異之是以棄之隘巷棄之平林棄
之寒水是以名之曰棄是以曰上帝豈不寧乎豈不
康我之禋祀乎何乃居然而生子也則其訓釋於上
下經文皆協今華谷力排履武之說止以不難產為
神異而亦襲用諸儒之語曰上帝豈不寧乎豈不康
我之禋祀乎使之安然而生子也則其說不通矣
坦叔淳祐八年戊申夏五月所著詩緝成時為朝奉
大夫知橫浦郡在晦庵後東發晦庵門人之門人其

言皆可撫以相發 橫渠張子曰生民之事不足怪
人固有無種而生當民生之始何嘗便有種固亦因
化而有

即邵肇祀

邵為后稷母家傳言或滅或遷以其地封后稷設為
疑而未定之辭姜嫄之國后稷之封皆難深考然味
即有邵家室之即即者就之之意就有邵之家室而
居之不勞餘力后稷肇祀肇者始也稷之始為祭主

則自封於此國而始也

輶

輶者祭行道之神已見邶風泉水祖道之祭所謂行神也然行亦五祀之一黃帝立五祀門戶中雷井竈見於儀禮湯之五祀見於世本戶井竈中雷行有行無門漢志一戶二雷三竈四門五井魏晉皆從之而無行唐開元禮祀戶司命以春祀竈以夏門厲以秋行以冬雷以季夏天寶修月令復井而絀行蓋以行

神輅於始行非冬祀也故紂之紂與黜同斥去也山
行曰輅封土為山象謂之輅壤祀之在門外之西

因記祭輅并記五祀五子七祀有秦厲有司命有宮
正有舞師故篇中有祀戶司命祀門厲之文 雷

中雷中庭檐溜之處俗謂之簷神祭之位在牖下雷
溜通檐簷通 竈祀之門外之東 戶 祀之戶內
之西 門 祀之門之左樞凡祭五祀於廟皆布席
于奧古者尸主並用祭五祀時各設其主三祭而後

迎尸迎尸者祭所既徹之後更陳俎饌即其筵前迎其尸而祭於奧如祭宗廟之禮奧為室西南隅室之尊處也

傳

燔傳諸火也傳音附與經之苑柳有鳥高飛亦傳于天之傳同 杼神與切音機杼之杼除也白中取出之也 登豆登之登與登降之登不同豆登之登从夕从又登降之登从夂夕偏旁肉字又偏旁手

字及音撥从從字通用

行葦

几

几凭器也字象其形器物叢談之書曰古者坐必設几所依凭之具且所以優賓者也

爵

爵受一升觚二升觶三升角四升散五升

散去音

罍

爾雅釋樂徒擊鼓曰𦔑孫炎云𦔑聲驚𦔑也

金鏃翦羽矢

爾雅釋器云金鏃翦羽謂之鏃郭景純註今之鏃箭是也釋器又云骨鏃不翦羽謂之志郭景純註今之骨鏃是也鏃作木切箭鏃也鏃音的箭之鋒鏃也鏃音畢鏃蒲交蒲校平剝三切

三訂之而平

周禮冬官矢人為鏃矢參分一在前二在後註云三

訂之而平者前有鐵重也司農鄭衆曰一在前謂箭
橐中鐵莖居參分殺一以前訂音亭又當定切殺所
介切減也

純奇均

純音全奇音羈禮記投壺篇卒投司射執算曰左右
卒投請數所主切二算為純一純以取一算為奇遂以

奇算告曰某賢於某若干純奇則曰奇均則曰左右
均鄭康成註卒已也賓主之黨畢已投司射又請數

其所釋左右算如數射算一純以取實於左手十純則縮而委之每委異之有餘則橫諸純下一算為奇奇則縮諸純下兼歛左算實於左手一純以委十則異之其他如右獲畢則司射執奇算以告於賓與主人也若告云某賢於某者未斥主黨勝歟賓黨勝歟以勝為賢尚技藝也均猶等也等則左右手各執一算以告 純鄭註儀禮如字均禮記作鈞

措三挾一

孔穎達曰射禮摺三挾一摺插也挾謂手挾之也射
用四矢故插三於帶間挾一以扣弦而射之今言挾
四鏃故知徧釋之也 嚴坦叔曰儀禮鄉射 射皆
云摺三挾一个又云挾乘矢註云方持弦矢曰挾弦
縱矢橫故曰方方者弦與矢作十字也兩物夾一物
曰挾此矢在弦之外二指之內是以謂之方 挾挾
叶二音縱音蹤

懽教偕立踰言

記投壺篇魯令弟子辭曰毋慙毋教毋偕立毋踰言
偕立踰言有常爵薛令弟子辭曰毋慙毋教毋偕立
毋踰言若是者浮 慙好吾切教五報切偕音佩又
符代切浮縛謀切罰也毋無通父母之母中從兩點
象兩乳毋勿之母中從一畫禁止為姦也加圈者誤
鄭氏註曰弟子賓黨主黨年穉者也為其立堂下
相褻慢司射戒令之記魯薛者禮衰乖異不知孰是
也慙教慢也偕立不正嚮前也踰言遠談語也常爵

常所以罰人之爵也浮亦謂罰也

黃耆台背

台 鮐

黃老人髮復黃也耆老也壽也老人面若垢謂之耆故解耆者以為凍梨又謂之眉梨言老人眉秀而面如凍梨也

台 音胎不圈

鮐 圈音苔又音代魚名也舍人註爾雅曰老人氣衰皮膚消瘠背若鮐魚劉熙釋名曰九十曰鮐背背

有鮐文按今有魚名鰈鮐狀若河魴魚乖崖張忠定
集有鰈鮐魚賦 音胎者湯來切

古器物款識

古人製器物皆有款識款者誌也識即誌也誌其作
器歲月姓氏申以頌禱之辭

用斲萬壽

周伯冏敦銘伯冏父作周姜寶敦用夙夕享用斲萬
壽敦音對此銘見歐陽公集古錄

卷十一
永命多福

周姬寘豆銘用斲眉壽永命多福永寶用

萬年無疆

召仲考父壺銘用祈眉壽萬年無疆子子孫孫永寶
是尚 集古錄韓城鼎銘萬年無疆用享用德峻保
其孫子三壽是利

既醉

明而未融

左昭五年初穆子之生筮之遇明夷之謙卜楚丘曰

明夷之謙明而未融其當旦乎

穆子叔孫豹

旦卿位也自

甲至癸為十日一日之中分十時當十位日中當王
食時當公平旦為卿雞鳴為士夜半為皂人定為興
黃昏為隸日入為僚睡時為僕日昃為臺隅中日出
闕不在第尊王公曠其位其當旦乎當卿位也

人有十等

王臣公公臣大夫大夫臣士士臣皂皂臣興興臣隸

隸臣僚僚臣僕僕臣臺昭七年辛尹無宇之言 辛
音弭辛尹楚大夫申無宇

考終命

書洪範傳曰考終命者順受其正也

令終令命

周器物款識屢敦銘屢作皇祖益公文公武伯皇考
龔伯鬯彝屢其汙萬年無疆令終令命其子子孫孫
永寶用享于宗室 益公歐陽文忠公集古錄作懿

公涖集古錄作熙農平祕切音備當時諸侯也驚式
羊切烹煮也涖詳理切

嗣舉奠

儀禮特牲饋食禮曰嗣舉奠句盥入句北面再拜稽

首句尸執奠句進受復位句祭酒啐酒句尸舉肝句

舉奠左執觶句再拜稽首句進受肝句復位句坐食

肝句卒解拜句尸備荅拜焉句舉奠洗酌入句尸拜

受句舉奠荅拜句尸祭酒啐酒奠之句舉奠出復位

饋食之食音嗣啐子律切又倉快倉饋二切啐嘗也

公尸

集傳云周稱王而尸但曰公尸蓋因其舊如秦已稱皇帝而其男女猶稱公子公主也公子羣公子也漢以後稱皇子冊立為儲君則稱皇太子猶古之世子也按此云公尸楚茨云皇尸儀禮亦云皇尸說者以為公君也后稷羣公之尸稱公尸皇王也太王王季

之尸稱皇尸此順文解辭耳楚茨之詩為公卿有田
祿者力於農事以奉宗廟之祭而亦稱皇尸殆不必
拘泥也

屬

天命之所附屬音蜀

鳧鷖

繹 賓尸

公羊傳繹者何祭之明日也何休註禮繹繼昨日事

天子諸侯曰繹大夫曰賓尸士曰宴尸去事之殺

色界

切也殷曰彤容周曰繹祭必有尸者節神也禮天子

以卿為尸諸侯以大夫為尸卿大夫以下以孫為尸

孔穎達曰宴尸之禮即用祭之明日今有司徹是其

事也

有司徹儀
禮篇名

公劉

后稷曾孫

晉人王基曰公劉字尚書傳曰公爵劉名陸德明曰

公號也王伯厚困學紀聞曰匈奴傳夏道衰公劉變
于西戎其後三百餘歲戎狄攻太王亶父伯厚引王
氏名速之說曰自后稷三傳而得公劉自亶父三傳
而武王滅商則公劉在夏之中衰而亶父宜在商之
季世不啻五六百年而曰三百餘歲未知何所据也
不出封內

成公呂伯恭曰以國語史記參毛鄭說自不窋已竄
于西戎至公劉而復興疆場積倉內治既備然後襄

糧治兵拓大境土而遷都于幽馬國都雖遷向之疆場積倉固在其封內也

容臭

記內則男女未冠笄者皆佩容臭註容臭香物也以纓佩之為迫尊者給小使也容臭香物後世香囊是其遺制楚辭所謂幃者幃即香囊

致邑立宗

左傳哀公四年楚人既克夷虎蠻子赤奔晉陰地晉

執之以畀楚師于三戶楚司馬致邑立宗焉以誘其
遺民而盡俘以歸 夷虎蠻夷叛楚者陰地晉地名
三戶楚丹水縣地名致邑立宗為之作邑立其宗主
而誘其民以歸楚

考日景

地官司徒以土圭之法測土深

去音下同

正日景以求地

中日南則景短多暑日北則景長多寒日東則景夕
多風日西則景朝多陰 鄭衆曰測土深謂南北東

西之深也日南謂立表處太南近日也日北謂立表

處太北遠日也景夕謂日跌

待結切

景乃中立表處太

東近日也景朝謂日未中而景中立表處太西遠日

也鄭玄曰晝漏半而置土圭表陰陽審其南北景短

於土圭謂之日南是地於日為近南也景長於土圭

謂之日北是地於日為近北也東於土圭謂之日東

是地於日為近東也西於土圭謂之日西是地於日

為近西也如是則寒暑陰陽偏而不和是未得所求

凡日景於地千里而差一寸云

景如字

三單

鄭氏箋大國之制三軍以其餘卒為羨單者無羨卒也羨音延之去聲孔氏疏小司徒云凡起徒役無過家一人以其餘為羨羨謂家之副丁也今言其軍三單是無副丁

朝陽夕陽

山東曰朝陽山西曰夕陽爾雅文

芮水名

汧

西漢地理志扶風汧縣芮水出西北東入涇

汧水出隴州吳山西北至汧源入渭汧音牽

鍛

嚴坦叔曰鍛毛以為石朱以為鐵今考鍛打鐵也字從金鍛者礪也字從石此鍛從金當為鐵稽康好鍛即此也

洞酌

饾餮

饾一作饋毛傳饾餮也餮音溜爾雅餮飪也孫炎

云蒸之曰饋均之曰餮郭璞云饋熟曰餮饾許慎云
酒食揚雄云熟食字一作糒亦作饾

強教悅安

禮記表記篇子言之君子之所謂仁者其難乎詩云
愷弟君子民之父母愷以強教之弟以悅安之樂而
母荒有禮而親戚莊而安孝慈而敬使民有父之尊

有母之親如此而後可以為民父母矣非至德其孰能如此乎 強教如以佚道使民雖勞不怨之類悅安如悅以使民民忘其死之類程子曰以佚道使民謂本欲佚之也播穀乘屋之類是也強渠良切毋荒之母音無

卷阿

版圖

周禮秋官司民掌登萬民之數自生齒以上皆書於

版鄭氏註登上也男八月女七月而生齒版今戶籍也夏官職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民與其財用九穀六畜之數要周知其利害註云天下之圖如今司空輿地圖也鄭康成云四八七九五六周之所服國數也爾雅九夷八蠻六戎五狄謂之四海漢蕭何從沛公入咸陽先入丞相府收圖籍藏之以此得具知天下阨塞戶口多少彊弱之處

飄

飄風自南飄避遙切音標

休

優游爾休矣休伴與而優游自休息也

第

第祿爾康矣第集傳芳弗切毛音弗鄭音廢禮韻敷

勿切音弗芳弗未詳

賡載歌

書益稷傳賡續也載成也續帝歌以成其義也

民勞

先儒以此以下為變大雅

大諫

春秋左傳成公八年季文子與晉韓穿言詩曰猶之

未遠是用大簡行父

音甫文子名

懼晉之不遠猶而失諸

侯也 註簡諫也 荀子闕

板

凡

凡國伯爵周公旦之後左氏傳富辰曰凡蔣邢茅胙祭周公之胄也祭側界切

沓沓

孟子泄泄猶沓沓集註云怠緩悅從之意

同僚

左氏文公七年晉先蔑使秦荀林父止之曰同官為寮吾嘗同寮敢不盡心乎寮寮也郭景純註爾雅

云窠謂窠地同地為窠同官為窠采地食邑也窠與采同即謂受封之采邑使去聲

堦簾

堦亦作塤毛詩樂舞器圖云釋者皆以二者異器而同聲然八音孰不同聲必以堦簾為况者蓋堦簾皆六孔而以五竅取聲十二律始於黃鍾終於應鍾堦簾二者其竅盡合則為黃鍾其竅盡開則為應鍾獨相應和是以取之和去聲

詩傳旁通卷十一